

# Ohnmächtige Brieder

2003

---

## Dr vrdorbeni Brey

*Es kodie:* Ohnmächtige Brieder  
*Es lefflet us:* s Fasnachtscomité

### Amuse bouche Häppli statt Röppli

Liebs Comité, als Waggis-Waage  
Schloot ys ains halt uff e Maage:  
Pfyffe, Ruesse, Schnitzelbangg,  
Das ärntet alljohr all Dy Dangg.  
Doch wie mir d Fasnacht zelebriere,  
Schymnt Di gar nid gross z beriehere.  
D Fasnacht isch doch wien en Ässe -  
S gheert vuyt derzue, nyd dartsch vögässe.  
Duet dr Koch an Wirzi spaare,  
Däm wird me bees an Karre faahre.

Als Amuse geule Lachs ohni Angge  
Do sait au s Comité "ney dangge".

### Le consommé farine Mähl- statt Milchsuppe

Bleu-blanc-rouge isch d Waggistracht,  
Doch das Mool hän mirs anderscht gmacht.  
Als Fasnachtskech sin mir in wüss  
Und schysse uf das Rot-blau .... Gstirm.  
Zwaizyuler git s e ganzi Byggi  
Zu Zubi, Jimmy, Gross und Gigi.  
Um s Yakin-Mami lehn mirs finschter.  
Vom Maischter-Balkon ab uf s Minschter  
Schigge mir die alti Tante,  
Und lehn sy dert als Ängel lande.  
Doch bitte lehnt um Himmels Wille  
Däm Ängel ewig syni Hille.

Mählsuppe macht erscht denne Freyd,  
Het me Kääs drinn yyne gstryt.

### L'entrée us dr Dosé E Dääfi zem Vortrab

Uf d Vorspyys wänn mir nid verzichte,  
Doch gilt s sich nach em Budget z richte.  
Denn d Niiderlaag fyurt Siig um Siig  
Und tiefer singge d Hehefliig.  
S zaigt d Swiss - si steggt in heggschter Noot -,  
Dass s tiefer als zem Grounding goobt.  
Dr Tschudi isch in Himmel hai,  
Mit em Hama lost är ys allai.  
Aim, wo dr Monolith uf Basel holt,  
ghört sowisoo dr Aisch versohlt.  
Ihm macht dä Glotz notyurlich Spass,  
So roschtig, nutz- und farblos, blass.  
Was Wunder isch är druff ganz wild,  
So hätti är en Eebbild.  
Stelle stryuche, kai Respäggt,  
D BaZ, die schrumpft zum Faltprospäggt.  
Und d Bricht im Basilisk, das spiir i,  
sin Ziiridyttsch und Bricht vo Ziiri.  
E Hohn isch au, wie dr Vasella  
Vo syne Kella kha vzella.

Als Entrée git s us däm Grund wenig,  
Mir ässe s neggscht Johr denn wie d Kenig.

### Le Zuriquois guillotiné Züri-Gschmätzlets

Kai Comité und au kai Kryyse  
Kann ys d Fasnachtsfreud vermyyse.  
D Kelle dien mir tichtig schwinge,  
Numme dääwääg wird s yys glinge,  
D Fasnacht widder neu z beseele,  
Mir lehn si nid vrcomiteele.  
Mir wänn wyter vorwärts goh,  
D Sässelkläber blyybe stoh.  
Es muess jo nid grad überborde  
Wie letschte Summer d Turnerhorde  
Am Schwyzer Suff- und Schärbefescht  
Mit Schleger, Syffer Sei als Gescht.  
Nadri däne Dääg fin ich s ganz gladd,  
Ghört s Baselbiet nimm ganz zur Stadt.  
An dr Gränze sells au glinge,  
Yyshockey uf Basel z bringe.  
Dr FCB het allne gälle  
Drumm baut me halt e neu Halle.  
Nur s Altersheim, das bruuchts dert nid.  
Die Alte spiile sälber mit.

Liebs Comité, es git, das trescht't Di,  
Kai Ziiri-Gschmätzlets ohni Reschti

### La biere dorma bai E Schlummerbädler

Das Riisegstürm um die Alinghi,  
Liebs Comité, i hoff, si singgi.

E Stange isch doch ohni Kraage  
Wie Fasnacht ohne Waggiswaage.

---

Die Wagen - und Requisitenausstellung im Kasernenareal  
und die Laternenausstellung auf dem Münsterplatz findet  
vom Montag ab 22.00 Uhr bis Mittwoch 12.00 Uhr statt.

Druck: Kropf und Herz GmbH, Lörach